



21790

III

Moo. St. Dr.

P

*Großenecke & Kriolal Viva mors ven
morte superstes virtus et gloria.*

PANEG. et VITAE

Folca. Fol.

Nr 17/19.

VIVA MORS

SEV

Morti Superstes

VIRTVS & GLORIA

ILLVSTRISSIMI

GEORGII DVCIS à ZBARAZ

Cracouiensis Castellani, Pinsceñ. Socalieñ. Zarnoueceñ. Vislicieñ. &c. &c.

CAPITANEI.

Sub tempus Exequiarum eius scripta.

ET

Illustrissimis ac Reuerendissimis Ordinibus Regni Poloniae D. D. D.

A

NICOLAO de Grodno GRODZENSKI

P. T.

CRACOVIAE,

Typis Matthie Andreouieñ. Anno MDC. XXXI.

In gentilitium Illustriss. de Zbaraz Ducum
insigne.



*Quid super arquato CRVCIS hoc curuamine SIGNVM?
CYNTHIA quid versis CORNIBVS ista notat?
Exanimum CORPVS telluris IN IMARE migrat,
Sed CRUX ZBARAVIVM tollit in ASTRA DVCEM.*

BIBLIOTH. UNIV.



JAGELLONICAE



Reipub: Polonæ, & Mundo Nepoti
optimorum Ciuium memoriam.



Cio LEGES GRATITVDI-
NIS & BENEFICII, quo me
obstrinxit, qui vixit dum in fune-
re Parentis mei dixit: Repẽdo & breuibus.
Ipsa enim proprium est OS sibi VIRTVS
tanti Viri. Quæ licet cæteri taceant, æternũ
LOQVETVR. Cuius Reipublicæ opto
MEMINISSE. Non aliud enim AR-
CHIVVM digniũs tãtã DIGNITATE,
quam LIBERÆ REIP. MEMORIA.
Pluribus cõmendent alij, me tot ROSCIIS
præsentibus gestum facere PRIMA SVA-

EPIST: DEDICAT.

DA vetat, PRIMVM Que glaciem Ty-
pographicam frangens, DIXISSE. Et
semper malueram, hætenus audire AV-
DITOR, quam ORATOR. Tu parces
si non POTVI, quantum VOLVI,
subscribesq; si libuerit, & VOLVISSE
SATEST. VIVE, VALE, VIGE,
& FLORE. Ac SENECAE memen-
to dicentis quod dum

CVRÆ LEVES LOQVVNTVR,
INGENTES STVPENT.

ANXVS MORTIS.

SIDere ConfVrglt qVanDo noVaLVna blCornl
ACCel. erantrapere heV PrlnCeps te fata Georgl.

Ordines Regni

ILLVSTRISSIMI & RNDISSIMI.



Aioris & altioris quouis Stylo VIRI scribendam
FAMAM POSTHVMAM, & in PARVA tabella
GRANDEM ORBEM magni MICROCOSMI de-
pingendum suscepi: Cui in COMMVNI potius
LACHRIMA & REIPVB. SVSPIRIIS, vmbra
atramenti quavis potioribus, quærenda fuerat LVX; qua DVX
& PRINCEPS SENATVS æternitati æternum VICTVRVS
consecraretur. Nisi forsan facundum in FVNERE officium,
me, inter cæteros, de eo loqui, & scribere iubeat, qui (quod
paucis præstitit) me sibi, in parentis mei iustis, postrema ora-
tione habita deuinxit: & FVNERALEM iure quodam reci-
proci affectus visus est voluisse ORATOREM è filio quem
egerat crepto viuis Patri. Sed quis ego Hercules aut Atlas,
qui tam grande Poli Arctici. Sidus, paruis humeris ingenij
sustineam? Tu ipsa pullata & atrata Polonia dolores si potes
explica. Si tamen & tibi fari liceat AVGVSTISSIMA & SERE-
NISSIMA REGINA, & PASTORE ILLVSTRISS. & PRINCIPLE
TVI AMANTISSIMO, ne dicam PATRE, viduatæ & orbatæ
Nam, nunc nunc, inquam, verè tempus illud est, in quo non
solum plebi. Sed vel inuito Ennio, LICEAT HONESTE ru-
pto iugalis thori vinculo REGIBVS LACHRIMARI. Cur igi-
tur MEMBRA non concutiat, qui CAPVT vexat dolor; Com-
mune id & recens vulnus & medela, si quam consolator,
quem proprij vincunt singultus, quæro afflictæ tibi REIP:
Matri, nō tam tollit & curat doloris CAVSAM, quā renouat &
exasperat EFFECTVM. Ingemiscit illa, abesse euulsa VISCE-
RA REGNI; & à se, & subito, & tumultuario mortis impetu,
diuulsa

diuulsa suspirat. Nisi forsitan, aduocato in affectus rationis officio, seipsam licet iuste dolentem increpet, dicatque sibi cum Telamone ingemiscenti, de amissa Matre & geminis Ciuibus illud: SCIEBAM ME MORTALES MIHI GENVISSE. Immortales genuisti Polonia, & immortalitati raptos ex mortalitatis theatro intulisti, dedicasti. Et cæterorum quidem immortalitatem non inuoluet silentio, & obliuioni, succedaneus scribentium labor & conatus: Mihi præ manibus, & mente, GEORGIVS ILLE est, TVVS & NOSTER, qui importunarum Monitricum Parcarum nutu euocatus & raptus à tuis consiliis, vnà & te & nos reliquit, desiderii sui impotentes & impatientes. Quem enim victurum dubiis tēporibus & importunis sedandis putauimus, nihil ex eo nisi triste funeral & cadauer tenemus. Tristem CORONIDEM & EPILOGVM ZBARAZIORVM FAMILIÆ, cum quā VLTIMO IN GEORGII NOMINE & NOMEN & HÆREDEM ZBARAZIUM videtur nobis, & nostris Nepotibus, Mors inuidisse. Ast non lugendus ille nobis, quod à nobis recesserit, sed quod talem illique ex eius Stemmate similem, videre desierimus. Cuius & OPE & OPIBVS, quo & LVCENTE & DVCENTE potuisset, hÆC LIBERA NOSTRA RESPVBLICA gloriæ suspiratæ cernere non dubia incrementa. Verumtamen mutauit ille societatem non reliquit. Etenim vt cum Oratorum Phænice loquar: *Omnibus qui Patriam conseruauerint, adiunxerint, auxerint, certum esse in calo ac definitum locum, ubi beati auo sempiterno fruuntur.* Et qui abesse videtur, præsens est, nisi forte ingrata SVPERSTES MEMORIA, eius in Patriam beneuolentiæ, tam cito potuerit, poteritque esse oblita. VIVIT enim ille ET ITA VIVIT, vt Connubio cum immortalitate inito simul & nostris in animis videatur æternitatem inchoasse. Pignora enim

ra enim habemus ab eo interposita REIPVB: duo AFFECTVM
& EFFECTVM. Medulla cogitationum illius, PATRIÆ SA-
LVS, LIBERTAS, SPES PVBLICA, BONVM omnibus CÔMVNE,
multa meditata scripta plura, dicta plurima quæ Reipubl.
prodesse, consilio, opibus, ope prouisum vbi opus erat,
Periculis caput propositum. Hic agi, causane FORTVNÆ NO-
stræ an FATI, VOBIS ORDINES ILLVSTRIS. DIRIBITORIBVS &
IYDICIBVS potest: cur cum in medio, magnificarum & illu-
strium cogitationum cursu abreptum e medio nostri sustule-
re? non quod abundè non profuerit, sed quod ita vti volue-
rat prodesse non potuerit. Multa enim quæ ILLO DIGNO CO-
RONA CIVICA IN CAPITE, latuerant SOTIRIÆ DE REPVB.
MEDITATIONES patuissent. Nec inculanda FORTVNA aut
VIS FATI & NECESSITAS, ea enim lege cuncta NASCVN-
TVR VT MORIANTVR, ea conditione nobis cuncta OPTIMA
DANTVR, VT SPIRARE QVOAD LV BET NON LICEAT NEC
LIBEAT, sed ne desiderio sit otium ex oculis auribus, Sensi-
bus nostris elabantur & eripiantur. Illud, illud, speretur su-
spireturq; è Benignissimis Principis Serenissimi SIGISMVN-
DI III. manibus contumatiæ mœroris cômunis collyrium
PAR tanto subsellio tanti Ciuis virtutis & consilii hæres &
SVCCESOR: qui audiat PVBLICVS publicæ CALAMITA-
TIS, (si quam ferus hesper vehat) ÆSCVLAPIVS aut HIPPO-
CRATES. Alioqui vacuus tam illustri prudentia TANTI SE-
NATORIS LOCVS VILESCIT in turba & apud viros bo-
nos INDIGNIOR fiet ipsa DIGNITAS, dumq; debuerunt esse
ORNAMENTA, indignitate ambientium fuerint COMMACV-
LATA, plusque sentiemus quod habuimus, si postquam ha-
bere id quod VOTIS & desideriis nostris RESPONDIT desii-
mus habere qui e viuis erepto cœquetur non poterimus.
Dabitur

Dabitur ea SPEI nostræ VICTIMA, si VIRI & homines, non
è PLUTONIS & DEÆ PECUNIÆ ARCHIVO, sed è IOVIS CE-
REBRO ad REIPVB. munia administranda deligantur & de-
stinantur. Ita VOVI & SCRIPSI, & mecum omnes qui
QVANTVM INTERSIT BONO PVBLICO IN PRINCIPIS PRIN-
CIPE SENATVS SENTENTIA prolixius quam ego oratione
explicare possum, intelligunt. Verumtamen tu LANVSSI WI-
SNIOWIECI, KORYBTORVM GENVS, REGVM POLONIÆ
PRONEPOS, ILLVSTRISSIMORVM DVCVM IN ZBARAZ
NEPOS tu inquam incedi poteris huic vulnere, si nobis in te
et si non GEMINVM AVVNCVLVM, at certe VNICVM GEOR-
GIVM dederis, rediuuium. Habes qui eâ expectatione tene-
antur. Et qui vt tam GRANDES SPES IMPLEAS, desiderant
præsertim ij qui viros in Republica magnos, & Ciuium opti-
mos, NON è VERBIS & FRONTE, sed ex AMORE IN PATRI-
AM, quæ se fert occasio fuso, probare & metiri didicerunt.
Sed non opus est CALAMO IN CALCAR APTATO ei cuius ani-
mus REGIIS IGNIËVS VIVIT immortalitati meditandæ &
agendæ succensus. Scit enim illa quo te gradu constituerit.
Eodem te STETISSE NEPOS memento, quo AVVNCVLVS
DECIDIT. Illius Actionum publicarum finis, tuarum initium
est. Et quæ ILLE CESSAVIT & feriari iussus est TIBI INCI-
PIENDVM. Non erit otiosus locus, si cogitationem in PATRIAM
intenderis, & AVVNCVLI grandes fulceperis MEDITATIO-
NES, si humeros tollendo ponderi non subtraxeris. Si OCCA-
SIONIS qua illa vocauerit FRONTÈM CAPILLATAM, forti &
parato animo præhenderis. Dabitur RHODVS, SALTVS,
CAMPVS, consilia priuata publica que, dubia pacis bellique
tempora: & vel inuitam EXERCITANTES POLONIAM
VNÆ EX ALIIS CATENATÆ PERTVRBATIONES. In his
CIVE,

CIVE, VIRO, ANIMO, CONSILIO, VIRTUTE, OPVS. Vltro
SEQUENTVR HONORES, & VMBRA VIRTUTIS GLORIA &
DIGNITAS. Inuitabunt prima subfellia si aliquid maius Her-
cule ausus, illud NON DATVR VLTRA in mente tua in PLVS
VLTRA cōmutaueris. Facilius calcantur intra eundem san-
guinem VESTIGIA & promptius ea RELEGERE POTES,
quam ALII MIRARI. DVX & ADSTES tibi DVCI erit VIRTVS,
COMES, FORTVNA. Iter ingredere, & TE Macte animo, VI-
CTIMAM PATRIÆ, NECESSITATIBVS ÆTERNVM MACTA.
Ast fabricat fauitrix Heroicarum Stirpium Lucina Orbi Sar-
matix magnas Spes, NOVA IN MATRE DE WISNIOWIEC
HELENA PERILLVSTRIS AC GÉNEROSI DOMINI STA-
NISLAI WARSZYCKI NVPTA, Illustrissimorum Ducum
de Zbaraz nepte, KORYBTORVM PRINCIPVM ab-
nepte, & surculo: qui vti non dubito, dabit nascituris
in nepotibus Poloniae suae rediuiuos Ausos. Hæc ego bre-
uiter. Et claudio. Vrget enim calamum breuitas, quam
amo qui non implendæ Chartæ gratia, sed AMORIS ERGA
raptum PRINCIPEM scripsi, qui breuiloquus, si verus est,
esse solet: pluraque meditanda quam audienda aut legen-
da animis lectorum auditorumque relinquit. Restant e tanto
illo DVCE LIPSANA, & OPVS e FVNEBRI MARMORE luctui
consecratum COMMVNE duorum magnorum in hac Repub.
CIVIVM & FRATRVM PARENTAL & CLAVSTRVM. Sole-
bat ille qui condidit, læpius surgentem molem visitans, illis
verbis affari: O INGRATVM OPVS: INGRATVM certè IN-
GRATVM inquam OPVS. Tu enim illud MAXIME GEORGI e
TENEBRIS grandis matris telluris IN LVCEM TRACTVM
& erutū magnis sumptibus celo & malleis in Symmetriam
Corynthiacam Enthæatum, Artificis genio & ingenio viuifi-
catum,

catum, spectandum, & laudandum, NEPOTI SECVLO reli-
 quisti: illud TE te inquam LVCE DIGNIOREM MATHVZALEA
 aut si qua fides est fabulis NESTOREA. Illud OPVS OPVS IN-
 GRATISSIMVM, nec TE solum sed & FRATREM TVVM no-
 stris ex oculis raptos. CONDIT, RECONDIT, ABSCONDIT.
 Umbra sua ipse, quam frontibus præfert, nigriore. Fælix
 tanto eoq̃ GEMINO PIGNORE eam solam si excipias con-
 ditionem, quod nullam præterquã in OCVLIS nostris, PRO-
 DOMIS INTELLECTVS & VIVACIS MEMORIÆ NVNTIIS
 possit AVTORI & PARENTI vt ita dicam suo, donare VITAM.
 Addam & ego. Et si adhuc TACEANT ATRATI LAPIDES, me
 non tacente hæ immortales, quia PRIMÆ SCRIPTORI SVB
 PRÆLO SVDATÆ CHARTÆ loquantur.

Tempori, Æuo, Æternitati, Posteritati.

Magnos Voto, Maiores Spe, Maximos Re.

NEC NON

OPTIMOS

Et Fratres, & Reipublicæ Liberæ Ciues.

GEORGIUM & CHRISTOPHORVM

IN ZBARAZ DVCES.

Fuisse scis:

Et scito

Homines, quod humanum erat, hic deposuisse.

Hos fortuna, Virtus, Æternitas.

IMMORTALES

FECIT, FACIT, FACIET.

Fælix Mater, & paucis matribus secunda, ac matri
 forsā nulli penultima.

NOVA

NOVA SARMATIAE CORNELIA.

Quæ talibus filiis auxit Poloniam & ornauit.
Acerba Mors docuit Sarmatiam inuentum thesau-
rum æstimari dum amittitur.

Quæ si grata est, DEVM precetur, vt

OPTIMIS CIVIBVS DIV ESSE LICEAT.

VIVE HOSPES, & VALE SOSPES.

Et disce

QVOD NON VIVERE VITA NOSTRA

EST, SED OPTIME DEO. LEGI, RE-

GI, PATRIÆ, VIVERE

&

BENE VALERE.

EPIGRAMMA

In Stemma Principis tribus Funeribus
Regni commune.

Occidit ANTISTES, moritur REGINA, DVCEMq̃

ZBARAVIVM subito MORS inimica necat.

PRÆSVLEJS sic non CRVCIBVS MORS horrida parcit,

Arietat J̃ geminis CORNIBVS illa DVCEs.

Quam subito incons tans facta est CONSTANTIA: quippe

Hoc docet INCONSTANS, J̃ hunc LVNA inbar.

Epitaphium tribus commune.

Tribus victimis Illustriss. Hostiis Ampliss.

TRINÆ VNITATI.

Vno in anno, vna ætate, vno propè mense
raptis nimirum:

SERENISS. REGINA, PRINCIPE SENA-
TVS, PRÆSVLE litauimus.

Sæuijt in duos constantes Viros mors, nec
mirum, sæuijt enim & in ipsam
CONSTANTIAM OPTIMAM PATRIÆ
MATREM.

Sed abortum passa, & vitam quibus rapere
voluit, non valuit, sed dedit nam:
VIVIT POST FVNERA VIRTVS.





